



PAMFLET

281





+ 24

Leendzachtighe Verree-

ninghe vande generale Staten vande Neder-
landen / vergadert wesende tot Brusselle / daer van die Originale is ghes-
terckent by de Prelaten / Edelen / Steden / ende oock bewillicht / ende
gheconfirmereert by mijnen Heeren vande Raede vande Staten / by syne
Majesteijt ghestelt tot de generale regeringhe vande voorghe-
schreuen Nederlanden / den 9. Januarij / Anno 1577.

Daer van die Originale is in bewaernisse
vande Staten van Bra-
bant.



Anno Domini M. D. LXXVJJ.

E. 3

281

85

Handwritten text at the top of the page, likely a title or header, written in a cursive script.

Handwritten text block in the upper middle section of the page, consisting of several lines of cursive script.



Handwritten text at the bottom of the page, likely a signature or footer, written in a cursive script.

¶ Eendrachtighe Veree-

ninghe vande generale Staten vande
Nederlanden / vergadert wesende tot
Brusselle/daer van die Originale is gheteekent by de Prelaten/
Edelen/Steden/ ende oock bewillicht / ende gheconfirmeret by
mijnen Heeren vande Raedt vande Staten / by syne Maesteyt
ghestelt tot de generale regeringhe vande voorszegheuen Ne-
derlanden / daer van die Originale is in bewaernisse vande Sta-
ten van Zabandt.



Wij ondergheteekende Prelaten/Luy-
den vande Kercke/ Heeren/ Edelluyden / Magistrenten
van Wetten/Steden/Casseluyden/ ende anderen/wesende
ende representerende die Staten van die Nederlanden/
teghenwoordelich vergadert zijnde in dese Stadt van
Brusselle / ende anderen wesende inde onderdanicheyde
vande hooghste vermoghenste ende doozluchtichste Prince / Coninck
Philips onse souueraine Heere ende natuerliche Prince / &c. doen te
weten / allen teghenwoordighen ende den ghenen die noch sullen mo-
ghen komen / dat wy / siende onse ghemeene vaderlandt te wesen be-
krenckt ende ghequelt door eene Barbarische ende meer dan Tyrani-
nische verdrukkinghen vande Spangiaerden. Ende wesende be-
weecht/ ende ghedronghen om ons te vereenighen / ende by malcan-
der te voeghen / ende met wapenen/ Raedt / volck/ ende ghelt/ malcan-
der by te staen tegen die voorszegheuen Spangiaerden / ende haer an-
hangh/ die welck verclaert zijn rebellen van sijne Maesteyt / ende onse
vyanden / ende dat dese vereeninghe/ende tsamenvoeginghe daer na is
gheconfirmeret geweest/deur die leste pacificatie/ende vriedemacchinghe
ende dit alles deur autoriteyt / ende bewilliginghe vanden Raedt van
Staten / by syne Maesteyt ghestelt tot het Generale Souuernement
vande Nederlanden.

Ende alsoo dan die meeninghe/ende het eynde van dese vereeninghe
erffcht alle ghetrouwichheyt / standtassicheyt / ende een ewighe reci-
proocke verzeekinghe aen allen zijden/ ende dat wy deur eenich on-
verstande

verstandt gheen archwaen op ons willen laden / ende veel weyninge
dat eenighe quade wille onder ons zoude wesen / maer dat wy ter con-
trarie willen / dat alle tgene dat tot dese vereeninghe dienlich is be-
neersticht / inde gheerecutiert mach worden / met alle onghewalstheyt
ghetrouwicheyt / ende neersticheyt / alsoo dat gheene onderdanen / offte
inwoonderen vande Nederlanden eenighe redelücke oorsake moghen
hebben / van eenighe mishagen / ofte aen ons te twiffelen. Om welke
oorsaecten ende insonderheyt op dat daer niet onghetrouwelick / ende
tot achterdeel van onse gemeene Vaderlandt / ende van onse rechtuerdi-
ghe beschermenisse ghedaen worde / dat oock deur versuyen / ofte oogh-
luyckinge niet een worde achterghelaten van tgene dat tot dese recht-
uerdighe beschermenisse / behoort gedaen te wesen. So hebben wy wt
cracht van onse macht ende Commissie respectiuelick / ende andersins
beloost ende belouen mits desen / voor ons / ende onsen naecomelingen
in Christelücke ghelooue / als luyden van eeren ende waerachtige lands-
luyden die voorszeyden vereeninghe ende tsamenvoeginge onuer-
brekelic ende eewichlick te houden / ende onderhouden / sonder dat
hem yemant van ons sal moghen affscheyden / ofte sich afsonderen deur
eenighe gheneynstheyt heymelick verstandt / ofte eenighe andere ma-
nieren / ende dit alles tot onderhoudinghe van onse weylige gelooue en-
de die Catholycke Apostolycke ende Roomsche Religie / tot volvoeringe
vande pacificatie ende vredehandelinghe / ende om die Spangiaerden /
met haren anhanghers wt de Nederlanden te verdriven / om die onder-
danicheyt die wy sijne Majesteijt schuldich sijn die ruste ende vrede van
onse Vaderlandt / ende tot beuestinghe ende onderhoudinghe / van alle
en een yegelic van onse Priuelegien / Gerechtigheiden / Vrijheyden /
Statuten / Costumen / ende oude gewoonten.

Daer toe wy te weghen brengen willen alle middelen die ons moge-
lijck sullen zyn / met ghelt / volck / raedt / ende onse goet / sae oock met on-
se leuen / in dien de noodt voordert. Ende dat niemant van ons sal mo-
ghen gheuen eenighe raedt / aduys oft consent / noch oock houden ee-
nighe secrete oft heymelicke particuliere communicatie / ofte tsamen-
sprekinge metten ghenen die van dese vereeninghe niet en zyn / noch ter
contrarie henluyden eenichsins te openbaren / oft ontdecken tghene dat
in onse vergaderinghe ghehandelt / gheaduiseert oft ghesloten sal zyn.
Maer sal hem in alles ghelijck maken / in tghene dat onse generale ende
ghe

ghemeene resolutie ende besuytinghe mede brengen sal. Ende indien
censige Provincie/ Staet/ Landt/ Stadt/ Casteel oft burg worden bele-
ghert/ besponghen/ aenghevochten/ bekrencht ofte verdrucht / oft in
dien oock yemant van ons luyden / oft anderen verhoert oft verdrucht
werde / voor Waderlandt / ende die ghemeene beschermenisse desselvs
teghen de Spantaerden. Of in censige saecken daer aen cleuende / oft soo
wel int generael als int particulier werde gheachterhaelt / ghevanghen/
gherantioneert / vercozt / ghemolesteert / ofte ghequelt in synen Per-
soone/ goederen/ Eere/ Staet/ oft andersins. Soo belouen wy desclue
te helpen ende assisteren met alle voorszgheschreuen middelen / ende oock
te verschaffen dat sy van der ghevanghenisse sullen ontslaghen worden/
het sy met sotte/ ghewelt / oft anders op pene van ghedegradeert oft be-
rooft te wesen van zyn Adeldom/ ende van Name van syne ascoemste en-
de Wapenen/ Eere ende Staet / ende ghehouden te wesen als meyn-
dighers onghetrouwen ende vyanden van onse Waderlandt/ voor God
ende allen Menschen/ ende voor een onerlick schandelick bloode ghe-
moet ten ewighen daghen gheacht te wesen. Ende tot meerder verse-
keringhe van dese onse heylighe vereeninghe ende verbondt / Soo heb-
ben wy desen gheteekent met onse handen/ ende hantteekens / den ne-
ghenden dach Januarij / int Jaer 1577.

Hier onder zyn die Signaturen ende onderteekeninghen int parti-
culier ende daer onder dese Confirmatie/ ende bewillighinghe vanden
Raedt van Staten gheschreuen.

Die Ghedeputeerden vande generale Staten / die desen gheonder-
teekent hebben / Versocht hebbende die vande Raedt van Staten / by
syne Maesteyt ghecommitteert tot het generael Souuernement/ ende
regieringhe vande Landen van herwaerts ouere / omme te willen beue-
stighen ende bewillighen die voorszgheschreuen vereeninghe ende ver-
bondt/ hebben desclue vande Raedt van Staten inghesen hebbende het
voorszgheschreuen versoek / ende die redenen hier bouen verhaelt / voor
soo vele in henluden is / dat voorszgheschreuen vereeninghe ende verbondt/
naer syne forme ende inhoud en bewillicht ende beuesicht. soo sy desclue
oock bewillighen ende beuestighen by desen.

Ghedoen tot Brusselle op het Sathuys inde vergaderinghe van
de

de voornoemde Staten / den negghenden dach van Januario / vñ sghien
hondert ende seuen en tseuentich / ende stondt onderghescreuen.

Door oordinantie van mijnen voornoemden Heeren
vanden Raedt van Staten.

Ende wat leegher was gheteekent

Werty.

Ende noch leegher stondt /

Ghecollationeert teghens zijn Originael /

By my Cornelius Abilleman.



